

奉天通志

四角之五
沿革

奉天通志卷五十六

沿革六

統部六

明

明爲遼東都指揮使司及福餘泰寧建州諸衛地

遼東都指揮使司

都衛定遼

明史地理志

以下簡稱明志

遼東都指揮使司

元置遼陽等處行中書省治遼陽路

洪武

四年七月置定遼都衛六年六月置遼陽府縣八年十月改都

衛爲遼東都指揮使司治定遼中衛領衛二十五州二十年府

縣俱罷東至鴨綠江西至山海關南至旅順海口北至開原由

海道至山東布政司二千一百五十里距南京一千四百里京

師一千七百里

大明一統志下同十五 洪武四年置定遼都衛八年改爲遼東都

指揮使司十年革所屬州縣置衛永樂七年復置安樂自在二

州今領衛二十五州五遼東志同以下遼東志與明統志同者俱不錄

明實錄洪武四年七月置定遼都衛指揮使司統轄遼東諸衛

軍民六年六月定遼都衛請設遼陽府縣治從之八年十月改

定遼都衛爲遼東都指揮使司隸大都督府

全遼志六 洪武壬子按應作癸丑 復設遼陽府州縣以千戶徐

便統署府事

方輿紀要遼東都指揮司東至鴨綠江五百六十里南至旅順

海口七百三十里西至山海關一千一十五里西北至大寧廢

衛八百六十里東北至建州衛七百九十里自都司至布政司

二千三百里至京師一千七百里

按明初置海州又於洪武五年置金復蓋三州六年並設府
州縣大抵皆仍元舊十年革府州縣而設衛然金復海蓋四
州則州衛二制並存至二十八年四月始廢州專行衛制

定遼中衛

明志定遼中衛元遼陽路治遼陽縣洪武四年罷六年復置十

年復罷十七年置衛

東有鳳凰城又連山城又南有鎮江堡城又連山關亦在東南

大明一統志定遼中衛附郭洪武十年罷縣十七年置衛

方輿紀要

三十七下同

明洪武四年改爲衛治八年改置都司治焉

十年廢縣十七年置今衛

大清一統志

三十九

故定遼中衛在遼陽州城內明洪武十七年

置在城東南隅卽高麗城俗稱高麗營

按明志所謂洪武四年罷六年復置十年復罷者皆指遼陽縣而言至十七年始置中衛明統志所敘最晰紀要所謂洪武四年改爲衛治者指定遼都衛治於是處亦非中衛置於是時也

定遼左衛

定遼右衛

明志定遼左衛右衛俱洪武六年十一月置

方輿紀要定遼左衛附郭在司治西南洪武四年置千戶所十年升爲衛右衛附郭在司治西建置同上

明實錄洪武六年閏十一月置定遼右衛於遼陽城之北立所

屬千戶所五

據明志知左右二衛置於同
時按右衛後徙治城北

按左右二衛置於洪武六年明志與實錄合明統志及紀要俱作十年非也實錄不言置右衛而翌年正月有左衛之名則置於同時審矣

又按明實錄萬歷四年三月庚子薊遼督撫楊兆張學顏議移定遼右衛軍士及倉官於寬甸與參將同城詔如議此僅移其軍士及倉官耳非衛治亦移於寬甸也

定遼前衛

明志定遼前衛洪武八年二月置

大明一統志定遠左衛定遼右衛定遼前衛已上三衛洪武四年置爲千戶所十年陞爲衛

方輿紀要定遼前衛附郭在司治東北建置同上

明實錄洪武八年十月置定遼前衛指揮使司

按明統志十年陞爲衛之語未晰應從明志及實錄作洪武

八年

定遼後衛

遼東衛

明志定遼後衛本遼東衛洪武四年二月置八年二月改九年

十月徙治遼陽城北尋復

大明一統志定遼後衛洪武四年初置名遼東衛治得利羸城

尋徙治於此八年改爲定遼後衛

方輿紀要定遼後衛附郭在司治西北

餘同明志

明史紀事本末十洪武三年二月元遼陽守將劉益降詔置遼

東衛指揮使司以益爲指揮同知

明實錄
略同

明實錄洪武八年十月以遼東衛爲定遼後衛指揮使司

又九年十月改定遼後衛爲蓋州衛復置定遼後衛於遼陽城北

按遼東衛初治得利羸城後徙蓋州曰定遼後衛迨洪武九年設蓋州衛又徙治後衛於遼陽城北遼東志謂後衛在鎮遠門內西則於十年徙治城內故紀要云附郭也

東寧衛

明志東寧衛本東寧南京海洋草河女眞五千戶所洪武十三年置十九年七月改置

大明一統志東寧衛附郭洪武十三年置五千戶所曰東寧女

眞南京海洋草河各領所部夷人十九年置衛併五所爲左右前後四千戶所仍置中及中左二千戶所以謫戍者實之

方輿紀要東寧衛附郭在司治北

明以下同志

明實錄洪武十三年以遼陽高麗女眞來歸官民立東寧南京海洋草河女直五千戶所又十九年七月置東寧衛

按明置東寧衛於遼陽北城卽今遼陽城北門外之地也其城垣遺址尙有存者

自在州

明志自在州永樂七年置於三萬衛城尋徙

以上五衛一州同治都司城內

大明一統志自在州永樂七年置治開元城內所領新附夷人

後徙治於都司城內

遼東同志

方輿紀要自在州附郭永樂七年置治開元城內後徙治於東

寧西偏

又見明實錄
詳安樂州下

明實錄正統八年三月甲戌併遼東自在州達官人等於安樂
州管屬徙自在州官吏於遼東都司在城設立衙門撫安東寧
衛并附近海州瀋陽中等衛歸降達官人等

按實錄安樂自在二州俱永樂六年四月置明統志諸書俱
作七年非也至自在州何時徙於遼陽諸書俱不載

海州衛

明志海州衛本海州洪武初治於舊澄州城九年置衛二十八
年四月州廢

東有大片嶺
關有鹽場

東北距都司百二十里

遼東志

下一同

海州衛在遼陽城南一百二十里洪武初平遼東

九年革州縣設衛治屬所五

明實錄洪武二十八年四月廢

方輿紀要海州衛司西南百二十里南至蓋州衛百二十里西至廣寧衛二百四十里東南至鴨綠江三百八十里

按海州設於明初其年無考大抵置於洪武四年劉益以金復蓋海等州來降之日九年置海州衛而州尙存至二十八年四月始廢

蓋州衛

明志蓋州衛

元蓋州屬遼陽路

洪武四年廢五年六月復置九年十月

置衛二十八年四月州復廢

南有永寧鹽城永樂七年置又西

遼河又東北距都司二百四十里

有石門關

遼東志蓋州衛在遼陽城南二百四十里元末劉益歸附洪武九年罷州置衛領五千戶尋調後所於寧遠小沙河

明實錄洪武五年六月置蓋州八年十月改定遼後衛爲蓋州衛二十八年四月廢蓋州

方輿紀要蓋州衛司南二百四十里南至復州衛百八十里西北至廣寧衛三百六十里東至鴨綠江五百五十里

按洪武八年置蓋州衛與州制並存至二十八年四月始廢

復州衛

明志復州衛本復州洪武五年六月置於舊復州城十四年九

月置衛二十八年四月州廢

東有得利羸城元季土人築洪武四年二月置遼東衛於此尋徙又

南有樂
古國

遼東志復州衛在遼陽城南四百二十里平章劉益歸附始仍
州治洪武十年革州縣十四年設衛屬四千戶所

明實錄洪武五年六月置復州十四年九月置復州衛指揮使
司二十八年四月廢復州

方輿紀要復州衛司南四百二十里南至金州衛百八十里西
北至廣寧衛五百四十里東南至海二百四十里

按洪武十四年置復州衛與州制並存至二十八年四月始

廢州

金州衛

明志金州衛本金州洪武五年六月置於舊金州八年四月置

衛二十八年四月州廢北距都司六百里
遼東志金州衛在遼陽城南六百里洪武四年劉益歸附設衛
領六千戶二十年調所領中左所於旅順口二十一年調後所
於義州

明實錄洪武五年六月置金州八年四月置金州衛指揮使司
隸定遼都衛二十八年四月始廢州

方輿紀要金州衛司南六百里南至大海百二十里西北至廣
寧七百二十里

按洪武八年置金州衛與州制並存至二十八年四月始廢
州

廣寧衛

遼王府
廣寧中護衛

奉天通志 卷五十六
明志廣寧衛

元廣寧府

洪武初廢二十三年五月置衛

洪武五年三月十

建遼王府建文府中東距都司四百二十里

遼東志廣寧在遼陽城西四百二十里元末也速納哈出往來互略其地本朝廢州縣洪武二十三年建廣寧衛二十五年封建遼王改廣寧中護衛次年復改廣寧衛

明實錄洪武二十三年五月置遼東廣寧衛指揮使司二十四年五月置廣寧中護衛

又二十六年正月遼王植之國初命遼王都廣寧至是宮殿未成命遼王且駐大凌河北二十八年四月詔停造遼王宮室先是遼王之國未築城但樹木柵於廣寧西大凌河北草創宮室以居之尋命武定侯郭英督遼東各衛及護衛軍士營建王宮

於廣寧城西後上聞英督工嚴急軍士勞弊命罷其役
方輿紀要廣寧衛司西四百二十里西至山海關五百八十里
西南至廣寧中屯衛百八十里東南至海州衛二百四十里南
至海百三十里

按實錄洪武二十三年置廣寧衛翌年置中護衛而未嘗言
廢廣寧衛遼東志改中護衛又改廣寧衛之說恐誤明志無
是語蓋從實錄

廣寧中衛

廣寧左衛

廣寧左護衛

明志廣寧中衛左衛俱洪武二十六年正月置二十八年四月
廢三十五年十一月復置

奉天通志 卷五十六
廣寧右衛

廣寧右護衛

明志廣寧右衛本治大凌河堡洪武二十六年正月置二十八

年四月廢二十五年十一月復置

以上三衛俱在廣寧衛城

遼東志以上三衛俱在廣寧城內洪武二十七年置治于大凌河開設廣寧中護衛二十八年設左右護二衛永樂元年改左右中護衛爲廣寧左右中三衛徙於此

明實錄洪武二十八年四月置遼王廣寧左右二護衛三十五年十一月改廣寧左右中三衛隸遼東都司十二月改廣寧中左右三衛仍爲中左右前後五屯衛

按實錄洪武二十八年置廣寧左右二護衛而廣寧中左右三衛卽廢於是時而三十一年

卽建文四年

又復置之惟實錄所